



RÉXIME DE VACACIÓNS E HORARIOS DE VERÁN 2017

Na norma segunda e na disposición adicional primeira da **Resolución da Xerencia do 27 de decembro de 2012**, pola que se reordena o réxime de xornada, horarios de traballo, vacacións e permisos do persoal de administración e servizos da Universidade da Coruña, faise referencia ás normas que rexen os períodos de vacacións, do xeito que se transcriben a continuación:

SEGUNDA.VACACIÓNS

Todo o persoal terá dereito a gozar durante cada ano natural dunhas vacacións retribuídas de vinte e dous días hábiles, ou dos días que correspondan proporcionalmente se o tempo de servizo durante o ano foi menor. Para estes efectos non se considerarán días hábiles os sábados, sen prexuízo das adaptacións que se establezan para os horarios especiais.

As vacacións anuais aproveitaranse, con carácter xeral, entre os meses de xuño e agosto e de **xeito preferente durante o mes de agosto**.

Os centros permanecerán pechados pola tarde durante o mes de agosto, polo que o persoal destinado neles que preste servizos ordinarios en quenda de tarde realizará a súa xornada en horario de mañá. No caso do persoal que por motivos de traballos de investigación experimental que requiran atención continuada precise acceder ao seu centro, deberallo comunicar á Xerencia coa necesaria antelación.

O dereito a elixir quenda de vacacións será rotatorio, salvo acordo entre os traballadores afectados, sempre que se respecten as necesidades do servizo. As traballadoras xestantes terán preferencia na elección da quenda de vacacións.

Os traballadores terán dereito a acumular as vacacións aos permisos por maternidade, paternidade ou lactación.

Poderá autorizarse o aproveitamento das vacacións anuais dentro do ano e ata o 31 de xaneiro do ano seguinte. Os días de vacacións poderanse aproveitar de forma individualizada.

A autorización das vacacións realizarase coa suficiente antelación ao seu aproveitamento. Esta autorización será acordada polos titulares dos órganos e centros sinalados na norma Primeira, 5, da Resolución da Xerencia do 27 de decembro de 2012, **tendo sempre en conta o período en que cada centro ou servizo teña máis carga de traballo ou demanda de atención ao público e, en especial, considerando o calendario académico**.

DISPOSICIÓN ADICIONAL PRIMEIRA. O permiso por asuntos particulares poderá acumularse ás vacacións retribuídas anuais.

Como todos os anos, lémbrese que no caso de traballadores/as interinos/as que desexen gozar dos días de vacacións, ou asuntos particulares que lle puideran corresponder ata o 31 de decembro de 2017, deberán ser autorizados polo responsable do seu centro/servizo.



E, enviarán ao Servizo de PAS unha autorización, para que no caso de finalizar antes a súa relación coa UDC se desconte das súas retribucións a contía correspondente aos días de vacacións ou asuntos propios gozados indebidamente.

Por outra parte, na Resolución da Xerencia do 30 de outubro de 2015, sobre aplicación do permiso por asuntos particulares e vacacións por antigüidade establecido no Real decreto lei 10/2015, do 11 de setembro, determínase que o persoal de administración e servizos da UDC terá dereito a gozar dos días adicionais de vacacións ao completar os anos de antigüidade que a seguir se indican:

- quince anos de servizo: vinte e tres días hábiles;
- vinte anos de servizo: vinte e catro días hábiles;
- vinte e cinco anos de servizo: vinte e cinco días hábiles;
- trinta ou máis anos de servizo: vinte e seis días hábiles

Os centros que permanecerán abertos pola tarde durante o mes de agosto son:

Campus da Coruña
Centro Universitario de Riazor Facultade de Ciencias do Deporte e a Educación Física

Así mesmo lémbrese o resumo de horarios de verán:

HORARIO DE TRABALLO (de luns a venres)	
HORARIO XERAL Mañá: das 07:45 ás 15:15 Tarde: das 14:30 ás 22:00 Xornada partida: das 08:30 ás 14:00/15:30 ás 17:30 Semana laboral de 37,5 horas	HORARIO DE VERÁN do 15 de xuño ao 31 de agosto Mañá: das 08:45 ás 14:45 Tarde: das 14:45 ás 20:45 Horario de atención ao público: das 09:00 ás 14:30
HORARIO DE ATENCIÓN AO PÚBLICO EN ADMINISTRACIÓN XERAL das 08:30 ás 14:30	

A Coruña, 29 maio de 2017

O xerente

Ramón del Valle Lopez

SR. SECRETARIO XERAL
SRES./AS VICERREITORES/AS
SRES./AS DECANOS/AS, DIRECTORES/AS DE CENTROS E INSTITUTOS UNIVERSITARIOS
SRES./AS ADMINISTRADORES/AS DE CENTROS E XEFES/AS DOS SERVIZOS ADMINISTRATIVOS